



東夷圖總說二

蓋聞明王慎德四夷咸賓子之圖說獨
詳於東南夷何也貢由粵入職所掌也
朝鮮非由粵也何首乎密邇京邑有禮
義之遺風亦海國也琉球何以次朝鮮
也地不當中國一大郡而奉職惟謹以
向中國則進之也

夷則夷之也占城西洋真臘暹羅滿刺
加蘇門答刺三佛齊回回錫蘭山皆大
國也囿于夷莫能相尚列而存之昭無
外也淳泥彭亨百花呂宋小夷也序于
爪哇佛朗機日本之上蓋嘗事我中國
有獻琛之誠焉天竺咭吟其坡寨順塔
不通貢而通市安知無慕華之思原之
斯錄之也爪哇戕我天使佛朗機獵我

華人夷而狃矣退之示創也日本橫於
海上其心叵測沿邊二十六郡憂殷哉
黑鬼微乎微矣亦得附於諸夷之後均
覆載也或曰是則然矣東南夷談此乎
曰未也雜見於杜氏通典集事淵海星
槎勝覽羸虫錄吾學編諸書蕃乎夥矣
存而弗論可也所圖狀貌習尚審乎曰
千里殊風百里異俗中國且然矧夷乎

彼此互見論而弗膠可也然則所圖之意何居夷之盛衰中國安危之繫也唐有王會圖宋有四夷述職圖大中祥符間史館張復上言乞纂朝貢諸國錄付史官蓋自古記之矣粵有香山濠鏡灣向為諸夷貿易之所來則察去則卸無虞也嘉靖間海道利其餉自浪白外洋議移入內歷年來漸成雄窟列廛市販不下十餘國夷人出沒無常莫可究諸閩粵無籍又竄入其中纍然為人一大贅疣也昔伊川被髮以祭識者憂之五胡內訌江郭交章欲徙况遲速大小之說又可鏡誠有經世之責者試思之國凡二十有四貌之者二十間有與圖說左者在中國則服然識所見也餘闕焉嶺海多奇聞因輯古今所睹記者二卷

并附以諗博雅君子皆

萬曆丙戌孟冬日東海蔡汝賢書

蔡汝賢

朝鮮

朝鮮周所封箕子國也典午時并於高麗高麗故扶餘別種後王建又襲之蓋不止一姓云其國東西南三面濱海北鄰女直西北至鴨綠江東西相距二千里南北四千里分八道統府州郡縣其俗柔謹知文字喜讀書崇釋尚鬼而惡殺戴折風巾服大袖衫男女相悅為婚死三年始葬飲食用俎豆官吏閑威儀居皆茅茨衣多麻苧有朴儉遺風以田制

近人云高麗

大姓更繼為

王王有之相

又武官負

子孫世龍衣

民耕田交稅

以歲歲相加

十歲交稅

二歲如至六

十歲交稅六

就老者不能

以子代他者人

他嗣

名牧馬自養

餘年夫死妻

不克事人

無要者鬼
妻有子則
為人奴終
其身而已

俸以秬釀酒法無苛條刑不慘毒鎮國者九
都神嵩北岳其名山也海鴨綠江其大川也
金銀鐵水晶鹽紬苧布白礬紙狼尾筆果下
馬長尾雞貂豹海豹皮蚺蜥榛松人蔘其物
產也洪武二年王遣使表賀即位賜金印誥
命文綺大統曆用為高麗國王十年以其貢
使煩數諭遼東守臣謝絕之遂定三年一貢
著為令由是如期遣貢不數不踈二十四年
其相李仁人子成桂篡立請更國號曰朝鮮

永樂元年復賜冕服九章圭玉珮玉宣德初
賜五經四書性理大全諸書正統間賜遠遊
翼善等冠絳紗袍龍袞玉帶等服以高麗去
神京不遠人知經史文物禮樂略似中國非
他邦比故列聖寵優如此嘉靖入繼大統遣
使朝貢三十六年王請改正大明會典所載
成桂篡逆事詔從之萬曆初遣翰林院編脩
韓世能吏科左給事中陳三謨告即位隨遣
使朝賀至今貢獻不絕道由遼東山海關入

亦海國也故得並書

琉球

琉球在大海東南自福建梅花所開洋順颺利舶七日夜可至其國歷漢唐宋不通中國其俗視盈虛為晦朔驗草木為冬夏人皆宵目高鼻狀類胡人男去髭鬚輯鳥羽為冠裝以珠玉赤毛婦女黥手為龍蛇文撚白紵繩纏髮從頂後盤繞至額以羅紋白布為帽織鬮鏤皮并雜毛為衣以螺為飾下垂小貝其

聲鏗然若珮馬飲食用手耕無鐵耨無釜甑器用螺殼煮海為鹽嚼米為酒子為親喪數月不肉食人死浴屍取骨纏以布常埋土中王及諸臣家用匣骨藏山穴歲時祭掃啓視之信鬼畏神國多女巫淫褻矯誣無論君臣皆稽首拜跪殿宇無金碧之飾家富貴者瓦屋不過二三楹餘皆茅土不知醫藥貿易用錢官民分土為祿食亦無征歛盜竊用剗劓之刑兵甲驍健堅利進退亦有金鼓鄰國視

為勅敵其人好爭喜鬪輒刃殺人度不能免
即剖腹自斃其性然也洪武初通貢十五年
冊為中山王二十五年王遣子姪及陪臣子
入國學賞賚甚厚永樂以來朝貢不絕嘉靖
十一年遣左給事中陳侃行人高澄冊立因
疏請乞留詔勅為鎮國寶許之其國自奉正
朔設官職服衣冠通文習禮雅慕華風日視
三朝群臣握手膜拜為敬凡官以曾學於國
學者為之地無貨殖商賈不通山無猛獸多

野牛馬豕鬪鏤木胡椒餘非所產每當中國
冊封必儲蓄數年亦僅僅給王居左右夾以
梵宮頗為華麗私宴使臣出宮庖歌女亦稱
精潔昔傳壁下多聚髑髏為羨觀妄也萬曆
七年復遣左給事中蕭崇業行人謝杰冊封
隨遣謝貢燕饗有禮朝貢以時華人為風漂
彼國皆資給送還海外言盡臣職者必曰中
山王云此蕭公為余言也又有小琉球近泉
州閩人言霽日登鼓山可瞭而見并入琉球

鳥語鬼形，盱眙非人類，故不叙。

安南

安南古交趾國，東起欽州，西歷左江北，至臨安元江龍州，其孔道憑祥，其要害也。若從天涯驛放洋，經猫尾港、涌淪、佛淘，一日夜可抵其國。秦隸象郡，漢置交州，歷唐宋而叛服不常。其地瘴暑，其俗夷獠雜居，不知禮義，獷悍喜鬪，不解耕種。其人皆剪髮跣足，宵目昂塚，平居不冠，粵人呼為夷鬼。云有貌類人者，乃馬援平交趾兵之遺種。一年再稻，一歲八蚕，徧桑麻，富魚鹽，立常義，手坐則交足，以故得名。男喜剽掠，女不耻淫奔，初隸占城王，遣少子治其國，好讀書，作字，故今沿襲能書，其名山、佛、跡、勾、漏，其大川海富、良江，其物產金、珠、丹、砂、珊瑚、玳瑁、羚羊、犀象、蚺蛇、翡翠、紙扇之屬，有狒狒似人，能食人，有獠獷似獠，善捕鼠，亦中國所希聞也。入明來。

高皇帝封陳日燿為安南王，既而賊臣黎季犛

弒立

成祖命張輔討平之復置郡縣以黃福為布政使兼掌其事後中官馬騏激變成山侯王通檀和致奸人黎利陳暲相繼叛亂馴至嘉靖初莫登庸暨子方瀛篡位請降詔去其僭號封伊孫福海為都統使以其十三路各置宣撫司俾世守以奉正朔未幾福海復為黎寧所逐仍據其國莫氏竄居海島詭云福海卒子宏瀛襲今轄領其衆者宏瀛子茂洽也以不係中國置不問焉萬曆六年遣使入貢十四年茂洽越請故疆朝廷允總督議以吟邦邕米等四村給與管業仍令行文以宣示之所以柔遠人者至矣使回廣東布政司管待如列國儀

占城

占城古越裳氏秦曰林邑漢曰象林唐元和中改號占城在海西南自東莞縣放洋歷獨漚交趾洋收新州港入其境國人多姓翁出

入乘象坐馬喜戰鬪尚釋教殺牛祭鬼驅象
逐邪亦獷悍俗也地不產絲綿男女以白氈
布纏其胷垂至足衣衫短窄撮髮椎髻散垂
為髻于後粒食亦鮮土多白沙禾稻收成甚
薄釀椰為酒煮海為鹽有城郭屋宇藥鏃刀
標兵仗以備不虞門墻用磚灰甃砌刻堅木
為獸形官房覆瓦民舍編茅即門限高下亦
分等級冬無冰雪氣候常暄人不解正朔視
月弦為初月晦為盡如此十次盈虧方為一
歲不置閏月八更為節晝夜各分五十刻晝
非午不興夜非子不寢見月飲酒歌舞為樂
魚不腐不食釀不蛆不為美酒以竹管插甕
就而啞之不用杯酌國無楮筆以羊皮槌薄
薰黑削細竹為筆蘸白灰寫之字皆縈曲若
春蚓然歲取人膽入酒與家人共飲并以浴
身謂之壯膽氣若人為虎鱷所噬以狀詣王
王命國僧持呪書符投人死所虎鱷自赴伏
罪訟不能決令兩造過鱷魚潭理負者輒食

之直則否其產犀象玳瑁火珠龍腦孔雀蓄
薇水猛火油之屬伽南香惟此地有之價亦
高貴若烏木降香供爨燎而已洪武二年入
貢封為占城王賜大統曆金綺永樂七年遣
太監鄭和詔諭諸番其酋長首戴三山金冠
身披錦花手巾四腕俱貫金鐲足穿玳瑁履
腰束八寶裝帶如金剛狀擁象郊迎復通朝
貢正德五年遣給事中李貫行人劉廷瑞齎
冊往封上元夜宴作樂藝沉檀火樹高燃蠻
姬旋舞亦足賞也嘉靖年再至使回令廣東
布政司管待以示寵異焉

西洋

西洋在海西南與僧迦密邇自錫蘭山放洋
順颶利舶十晝夜可抵其國當巨海之要嶼
乃諸番總會之區也其俗傍海為市聚貨通
商貿易以金銀為錢以絹段青花白磁器燒
珠水銀為貨男子髡首穿長衫頭纏白布婦
人素足穿短衫腰圍色布兩耳懸金墜絡索

數枚其項上珍珠寶石珊瑚連掛纓絡四腕貫金鐲手足指皆帶金鑲嵌寶戒指髻垂腦後容白髮黑與中國婦女不殊氣候常熱風俗近古尚信義行者讓路道不拾遺以葫蘆為樂器紅銅絲為絃歌聲相協鏗鏘可聽刑無鞭笞輕斷手足重則誅其人沒其產其酋長好浮屠建寺範金為佛敬象牛飲其乳不食其肉煨牛糞為囊佩之每朝仍水調抹額及股而禮佛民皆屋居粒食山多地瘠稻穀薄

收宜麥多駿馬入山而樵涉水而漁各贍生業善織綿布獨幅既濶且長瑩潔如紙中國亦頗重之土產蘇木胡椒蕃薇露波羅蜜印花被手巾各貯之以待商販若珊瑚琥珀珍珠金寶諸種異香皆來自別國雖非所產而市舶羅列燦然溢目足稱富饒故今稱富商大賈必曰下西洋來云洪武初通貢中國永樂七年遣太監鄭和詔諭諸番賜王誥命錦綺有錫蘭山國頭目不共謀害舟師鄭和潛

備先發擒其王獻俘闕下詔赦還國由是西
洋諸夷無不感服向化累朝貢獻方物使回
廣東布政司遵會典以管待焉

真臘

真臘一名占臘故扶南屬國在東海中隋時
始通中國唐貞觀初并扶南而自立宋宣和
時封為真臘王自東莞縣放洋經交趾占城
過崑崙洋乃其國都也城周可二十里立五
門東向為上右手為索王居環列橋塔獅象

一說其地

最熱富貴

家各有浴

池日三四

浴身貧

者三五家

池男女

同浴不耻

也至城

好大河日

有男女教

白脫衣岸

上下河同

浴有水作

皆以金為之極其壯麗諺云富貴真臘以此
其內中一金塔王寢其上官民房舍服飾器
用各有等差亦有文字俗重僧教以事天誦
經呪王衣純花布首戴金冠如金剛狀項掛
珍珠索手足皆貫金鐲簪以貓睛寶出則手
持寶劍幡幢象馬擁衛甚盛三日一視事捲
簾作樂亦如王者之儀以下男女皆椎髻袒
裼以布圍腰出加大布一條為飾民色甚黑
至宮人大家女其白如玉身嘗塗以香藥婚

也浴畢各
婦婦女有
立而溺者
苛笑也

娶尚奢女未滿十歲必先擇僧道陣毯

破其身

取朱點額然後人爭娶之其俗以十月為歲

首張燈燃火樹四月拋毬五月迎佛七月燒

稻八月挨籃

聚伎樂舞

九月壓獵

聚眾教閱

王亦出觀

與民同樂刑法小事罰金重則引囚生瘞實

之土石其次則斫趾劓鼻姦賭不禁故婦女

多淫破身早故顏色易謝死喪王以塔葬餘

則裹以布葦昇之郊外今亦漸知焚化父母

無服制男髡首女雍顛門髮為孝過則蓄髮

如初天熱土饒不宜菽麥視力耕種稻可數

收貿易多婦人以金銀為尚縑帛次之得中

國針梳鍋蓆磁漆等器甚貴之若犀象翠毛

孔雀香寶藥材其產也洪武六年表獻方物

賜大統曆文綺二十年遣使貢象景泰二年

王率妻子來朝使回令廣東布政司管待以

示柔遠之義云

暹羅

暹羅本暹與羅斛二國在南海中元至正間

暹羅斛合而為一故曰暹羅自東莞縣放
洋歷占城向西南行七晝夜入暹羅港少進
為一關再進為二關即國都也群山環繞峭
拔崎嶇地土沮洳氣候嵐熱無城郭王宮據
大嶼稍如中國殿宇之制覆以錫瓦頗為壯
麗貴者樓居各夷散處水棚版閣蔭以茭草
習尚侵掠人皆髡首煮海為鹽其國右僧凡
王子習梵字梵禮皆從貴僧用刑輕則皮鞭
差重斷足十趾再重斷手十指罪至殊死者

說暹羅

富貴男子

自幼嵌珠

貝金玉於

階必如此

貧家方統

尚之不則

眾以貧賤

目之

女子未嫁

之先必延
僧取其元
紅點於婿
額上為吉

腰斬或以象揉之貴僧祈請宥為僧奴建巳
月始作農事建酉月禾乃登賦役省薄男女
先私媾而後聘婚婦人多智慧諸事皆令決
之刺繡織紵工於中國能釀秫為酒故暹酒
甲於諸夷婦飾必以諸香澤其體髮日夕三
四浴與中國人私不禁喪禮富者灌水銀養
屍以葬民間舉屍筏浮於海迎僧呪群大鳥
食之頃刻而盡謂之鳥葬其產多寶石片腦
翡翠犀象珊瑚玳瑁六足龜銅鼓貿易用海

八故民豪富諸國異產奇貨輻輳其地匠藝
工緻嵌寶指環時至中國一枚可直數金地
廣兵強好習水戰嘗侵掠占臘而私其貢賦
以不繫中國置不問焉洪武四年始來朝貢
永樂十五年復貢方物賜烈女傳金綺量衡
宣德中稍減賜物著為令使回令廣東布政
司管待以送之

滿刺加

滿刺加在南海中不通中國其初隸暹羅歲
輸金四千兩後奉我正朔始建碑開國不屬
焉自東莞縣放洋至崑崙收龍牙門港二日
程至其國為諸夷輻輳之地亦海上一小都
會也王居僭擬殿宇以錫箔為飾俗尚醇樸
教習回回男女皆推髻黑膚淘錫網魚為業
屋如樓閣而不鋪板用木高低層布床榻厨
厠俱在其上文字皆梵書貿易以錫地瘠不
產五穀米稻皆暹羅所貿鬻禁食豕肉富夷
以酥酪和飯而啖鷄犬鷺鷥常仰販於他國

故一物之價五倍於華民性獷暴重然諾鉅
鑽不離頃刻稍忤即戡刃其胷死刃者逃匿
不復尋讎貧者頗事剽掠舶商假館主者必
遣女奴服役少不知戒腰纏悉為所有矣婚
嫁論財婦女以夜為市過二鼓遇巡徼姑郎
伽哪即執而戮之輕刑鞭撻罪至死者斷木
為高椿而銳其未貫囚大孔輾轉洞腹而死
喪事民間火化富者以樟腦實棺中焚之土
產犀象玳瑁瓊瑣玳片腦鶴頂紅薔薇露之屬
嘗侵掠瓜哇正德中被佛朗機仇殺王退休
陂隄兵去復國永樂三年始通貢七年冊封
為王賜銀印袍服九年王率妻子來朝至正
統間封貢不絕成化末遣給事中林榮行人
黃乾亨往封溺海自是不通每貢使回廣東
布政司餞之遵會典也

蘇門答刺

蘇門答刺即古蘇文達那在南海中自東莞
縣開洋至滿刺加復向西南行順風九晝夜

可抵其國東南大山西北距海商賈輳集之地西洋之要會也國無城郭有大溪入海海口波濤瀆湧常至覆舟風俗淳厚言語和柔室廬婚喪刑罰俱與滿刺加同男子髮纏白布腰圍稍布婦人椎髻裸體腰圍色悅手巾天氣常熱粒食亦鮮田瘠五穀少收地產胡椒附樹蔓生累累如椶櫚子而小巨室一家有積至數千百斛以待商販民間以網魚為業朝駕獨木船張帆出海日暮乃回煮海為

鹽釀茭樟子為酒以金錫為錢貨用青白磁器銅鐵絹布之屬商舶往來財貨充牣頗為富饒然非所產貿易指天為約即千百鎰不立文字終不敢負惟酋長好殺每殺人取血浴身謂之通身是膽蓋夷性獷悍俗使然也洪武中遣使朝貢永樂三年冊為蘇答刺王已而與花面王戰死子弱不能報其妻令於國曰能復此讎者我以為夫有漁翁如其言遂從為偶無何有故王假子殺漁翁其子奔

峭山時時互相讎殺十一年太監鄭和至其國密擒假王子械京伏法立其子蘇幹利為王感再造之恩累朝貢獻方物廣東布政司於貢使回管待如列國儀

三佛齊

三佛齊即舊港又名浮沐初隸爪哇在東南海中多以蒲為姓蓋南蠻之別種也自東莞縣開洋先至爪哇復向南行順風八晝夜可抵其國地有十五州東距爪哇西距滿刺加

南距大山西北濱海田土膏腴宜稼穡古云一年種穀三年生金言穀盛而買金多也人好賭博習水戰服藥刀箭不能傷臨敵敢死以此雄於海上鄰國畏之其處水多土少將領陸居周遭皆僕從環住民多架筏水中蓋屋其上以木椿拴閘水長則浮不能湮沒或欲他徙起椿連屋而去不勞餘力番舶輻輳半為閩廣入市用錢布字用梵書一互市而金寶錯陳稻米狼戾足稱富饒他國未有其

餘語音服食刑罰婚喪種種與爪哇同蓋夷俗使然不甚相遠也洪武來累遣朝貢詔賜大統曆錦綺三佛齊王印國王感激非常會有廣東亡命陳祖義避難其國久之得為將領永樂十三年太監鄭和統海舶下西洋至三佛齊國祖義欲犯我舟師鄭和潛伏擒殪之由是薄海內外罔不震疊地產鶴頂火鷄神鹿水晶珊瑚留璃龍腦犀象貓睛石薔薇水之屬鶴頂鳥大于鴨腦骨厚寸餘外黃內赤鮮明可愛火鷄大于鶴而頭足亦似鶴軟紅冠銳嘴毛如青羊色爪甚利傷人腹致死食炭神鹿大如巨象高可丈餘短毛豕喙蹄三哈皆物之異者故特表之貢使回廣東布政司管待以華其行

回回

回回即默德那國地接天方王生而聖靈臣服西域諸國諸國翕然敬事之傳有佛經三十藏凡三千六百餘卷字兼篆草楷三體能

佛經三千六百餘卷指不得傳之中華其人讀盡三十藏經能

呼風喚雨
知天地之盈
虛高下四海
之方隅醫者
弄方技無
不精妙信
乎有奇書
可遇也
更有煉汞
之術其銀
用之不盡

習陰陽星律醫禱諸技靡不精究而收奇功
又善鑒識每於賈胡海市中廉得奇貨故今
稱識寶者必曰回回其教專以事天為本自
隋開皇中始入中國至今流衍四方其國寒
暑應候土脉膏腴有城池宮室田園市肆大
類江淮間民物阜蕃衣服整潔人皆宵目胡
鼻以白布纏頭不問可知為色目中人以蜜
為酒以牛為菜好歌舞為樂男女自相嫁娶
不與俗家連姻夫婦好合詰朝必取水淋沐

再三雖天寒不免人知重五穀亦有牛羊鷄
鶩非自殺不食惟不食豕肉相傳其始自驢
豕交構而生故累世不敢更易一或破戒非
病即災矣其種散居海內出外不挾行資隨
所至必飲食之到處建禮拜寺為祝釐受戒
之所亦頗宏敞壯麗遇節香花供養燃燈誦
經無禁也親死用布囊屍入棺鼓樂導送至
墳抽去棺底以土掩屍妻子每至以水潑之
祈速朽為孝蓋習于墨氏之流以薄為道者

地產織文雕鏤器皿極其精巧餘皆與西洋國同宣德中遣使貢獻方物使回廣東布政司管待今附舶香山濠鏡澳貿易

錫蘭山

錫蘭山國古狼牙須也在西洋大海中與柯枝國對峙自蘇門答刺順風駛舶十二晝夜可抵其國相傳釋迦從翠藍嶼來登此山猶存足跡山下有寺貯釋迦涅槃真身側卧及舍利子故其俗尚釋重象牛煨牛糞灰塗體

飲牛乳而不食其肉殺牛者罪死王宮民居旦必調牛糞塗地而禮佛其民上裸下纏悅加壓腰去鬚髯留髮以布纏之女人椎髻于後下縈白布飲食不令人見其氣候常熱宜稻不宜麥市用金錢重麝香綺絹青磁等器海洲有珠池日映光浮起閃閃射日間歲一淘珠諸番賈爭來市販地廣人稠貨物多聚亞于瓜哇亦富饒之國也其產青紅黃鴉鵒石水晶珊瑚金戒指西洋布諸香之屬永樂

七年遣太監鄭和等齎詔勅持金銀供噐綵
裝織金寶幡施于寺及建石碑其王負固不
恭和即潛備生擒歸獻闕下上釋而遣之
命擇其支屬賢者封為錫蘭國王後又遜位
十四年遣使貢獻方物正統天順間猶來朝
貢使回廣東布政司管待今附舶香山濠鏡
澳貿易

淳泥

淳泥本閩婆屬國在西南海中統一十四州

俗以板為城以銅鑄甲煮海為鹽釀秫為酒
喪葬有棺飲食無噐室宇弘敞田原豐利習
尚奢侈愛敬華人王服頗效中國之製產片
腦諸香象牙吉貝玳瑁鶴頂洪武四年遣使
朝貢永樂三年冊為淳泥國王六年王率妻
子來朝表獻方物賜宴奉天門賞賚有差是
年王卒會同館謚恭順葬石子岡樹碑祠祭
冊其子遐旺嗣為王封其國後山賜名長寧
鎮國上為文刻石遣使送歸每貢使回廣東

布政司管待今附舶香山濠鏡灣貿易

彭亨

彭亨在東南海中左暹羅循其道可至其國
石崖周匝崎嶇遠望如寨內多平原禽獸稀
少草木蕃茂土沃宜稼穡氣候常溫尤饒蔬
果人皆粒食好誦佛經上下親狎耻為寇盜
煮海為鹽釀椰為酒男婦椎髻繫單裙富家
女子金圈四五飾于頂髮其餘玉色燒珠穿
圈而已其俗尚怪刻香木為人殺人血祭禱

以祈福禳災此其夷風也洪武十一年遣使
朝貢賜以綵幣永樂十二年復獻方物地產
片腦諸香花錫使回廣東布政司管待今附
舶香山濠鏡灣貿易

百花

百花在海之東南依山為國天氣常煖如春
無霜雪國多奇花嘉樹四時不凋蒼茂葱鬱
以故得名民俗富饒尚釋教產紅猴龜筒玳
瑁孔雀胡椒又有倒掛鳥形如雀而羽五色

日焚好香，則收而藏之，不翼間夜則張翼倒掛，以舒香氣，令細氲滿室，芬芳襲人，亦珍禽也。洪武十一年遣使朝貢，賜以錦綺，使回廣東布政司管待。今附舶香山濠鏡灣貿易。

呂宋

呂宋在海之西南，其風俗服食婚姻與佛朗機大同小異。國小而產黃金，人勤而稱富庶，且質朴不喜爭訟，交易不立契書，身衣衫褲足穿皮履，出入佩刀自衛。時常禮佛誦經，犀角象牙、珊瑚珠貝諸香品料其方物也。永樂三年遣使朝貢，賜以文綺，使回廣東布政司管待。今附舶香山濠鏡灣貿易。

天竺

天竺即古身毒國，有五。天竺在海之西南，距中國遠甚，人多奉佛為僧，不茹葷，不殺生。每七日一禮拜天，食輒誦經，食已復誦，謂謝天也。王與大臣服錦罽，為螺髻于頂，餘髮剪之，使垂蓄有聲，伎宣鬯梵音，鐃鈸鈴螺雜然並

奏以為樂男子髡首穿耳懸鐺跣足服色尚
白製如袷裝敬禮人極必舐足摩踵而後致
詞有字文無簿籍以瞿曇為學以貝葉為書
以慈悲廣大為心以貪嗔媯佚為戒雖有刀
箭甲兵怯於戰鬪工天文星曆之數善沉淫
幻化之術貿易用貝國有宴會恐酒亂性以
薔薇露和蜜水飲之左右前後坐卧器皿各
置天主為惺惺法其一念精專行亦苦矣地
產獅象珊瑚珠璣瑯玕金罽白氍毹之屬

其所尚者一曰火齊如雲母而色紫裂之則
薄如蟬翼積之則如紗縠重疊一曰金剛色
似紫石英可以切玉亦奇種也先是嶺南香
山有灣曰濠鏡為諸番互市之地夷商雜處
財貨充溢其勢必至于爭矧夷性嗜利尤易
信也天竺僧自彼國渡海遠來歷三年始達
濠鏡諸夷信其法遂奉之以要束諸夷諸夷
事之惟謹不敢或違固怵於輪迴果報之說
乃僧之戒行亦足動人哉以不通朝貢故廣

東布政司不列管待。蓋來不拒去不追。王德之體然也。

咭吟

咭吟小國也。居海島中。不通朝貢。其人以白布纏頭。身穿白小袖長衣。食多牛羊鷄魚。以手不用匙箸。惟不食豕肉。見華人食者。輒惡之。謂其厭穢也。地產胡椒蘇木荳蔻象牙。時附舶香山濠鏡灣貿易。

其坡寨

其坡寨小國也。居海島中。不通朝貢。其人飲食用蕉葉裝盛。以手撮食。婚姻不論同姓。苟合者多。酋長死。妻妾皆以殉。葬地產降真荳蔻象牙犀角。時附舶香山濠鏡灣貿易。

順塔

順塔小國也。居海島中。不通朝貢。其人醜而黑。以布帛為衣。飲食生熟相半。婚姻不論貴賤。意合則從。地產胡椒象牙丁香荳蔻。時附舶香山濠鏡灣貿易。

爪哇

爪哇即古閩婆國又名莆家龍元稱爪哇在
海東南自東莞縣開洋至占城由占城順風
二十晝夜即至其國也王城磚甃高踰三丈
方三十餘里宮宇高四丈地鋪板蒙以藤花
蓆頗為宏麗民居編茭樟葉以覆王蓬首頂
金葉冠曾索嵌絲帨腰束錦綺佩短刀跣足
跨象或乘牛其國地廣人稠甲兵為東洋諸
夷之最男女黝色獠頭椎髻上衣長衫下帨
直纏至膝坐卧無椅榻飲食不用匙箸以木
葉手盛撮食允蟻蚓蛇虫蠕動之物無不啖
之不為穢也釀椰為酒列行為市貿易用銀
葉錢量衡倍于中國婚姻無媒妁納黃金于
女家即迎之金鼓刀盾珠飾寶裝前後甚都
夫死其妻不顧而去未旬日適人矣土人有
名無姓酗酒信巫輕生好鬪出入必佩匕首
極其精巧一語不合即挾匕首相刺刑無鞭朴
罪不問輕重以藤繫刃戮之喪有水葬火葬

犬葬惟死者所欲主翁死婢妾皆簪花送屍
海濱昇群犬食盡為喜不則哭泣悲號環坐
積薪縱火自焚死蓋狗葬之遺也村埠多西
番賈胡閩廣流寓曰杜板曰新村曰蘇魯馬
益各千餘家服食頗索番舶至此互市金寶
充溢米穀豐盛商旅輳集道不拾遺他國未
有洪武初遣使朝貢已而我使至三佛齊爪
哇要而殺之詔諭切責絕其貢使永樂七年
遣太監鄭和詔諭諸夷復來通貢給銀印賞
賚有差正統八年定三年一貢著為令土產
金珠瑪瑙犀象玳瑁貓睛鴉鵂石倒掛鳥紅
白鸚鵡之屬使回令廣東布政司管待以示
柔遠焉

佛朗機

佛朗機在海西南以不通中國未詳何種與
滿刺加同道循之可至其國民多富饒巨室
一家胡椒有至數百斛犀角象牙珠貝香品
蓄貯無筭其俗不尚鬼信佛喜誦經每六日

一禮拜佛先三日食魚為齋至禮拜日則鷄
猪牛羊不忌國人髡首貴者戴冠賤者頂笠
見尊者撤去之為敬雍髭鬚貌類中國上著
衫腰穿長袴下垂至脛足有皮履衣服極潔
用瑣袱西洋布瑣哈喇或中國絲綿紬段為
之顏色惟意手持一紅杖而行其他則否飲
食不用匙箸富者食麵貧與奴僕食米婚娶
論財無媒妁家世相敵即詣佛前相配以一
僧為證謂之交印遂携婦歸男聘以十四責

女之奩資常數倍奴因有五六房者故外家
非千金不以嫁女構木為居設舶為市牙僧
交易榻指節以示數千金貿易不立文字指
天為約卒無敢負相會則交捫其心誤捫其
首則勃然忿爭罵詈止及其身雖甚辱不校
若罵子孫及其父祖罵奴及其家長輒以死
聞故傭奴以土著為上為其能杆主也貧民
頗事剽掠獨客過殺而奪其貨遇巡徼官執
而戮之王亦不詰人積家財臨死時遺囑若

干與妻孥若干捨入廟悉如其言若無囑書
却一半付子一半歸王無有競者大都夷性
兇狡嗜利善製火銃一發中人無不立死名
曰佛郎機中國倣其製以禦敵正德間假作
貢獻來至近廣恃火銃設柵自固擄嬰孩烹
食之守臣率水兵攻之乃遁又與滿刺加互
市爭鬩恨其囚執哪噠歸愬治兵突至滿刺
加大被殺掠整衆滿載而歸其產有犀象珊
瑚眼鏡瑣袂天鵝絨瑣哈喇蘇合番段之屬
入明來以不預朝貢故廣東布政司亦無管
待蓋踈而不親聖王制馭蠻夷之道如此

日本

日本即倭奴在東南海中世以王為姓地分
五畿七道三島倭王最為雄長居邪馬臺歷
漢以來皆朝貢唐咸亨初惡倭名更號日本
其俗男子魁頭斷髮黥面文身裙襦橫結不
施縫綴女人衣如單被貫其首而穿之以冊
塗身為飾如中國之傅粉也飲食手搏見人

以躄跪為敬。人死有棺，無槨。親喪不飲酒食，肉戚屬臨屍以歌舞為樂。既葬，則群浴於河，以祓除不祥。婚姻不娶同姓婦，入夫家必先跨火，然後相見。惟會同男女雜亂，無別其人者。酒信巫，輕生好殺，性貪且譎。惟以刼掠為生，刀劍弓矢極其犀利，裸身赴閭，慣舞双刀，輕儇跳躍，能以寡勝衆。至刼宮設伏，華人每隨其術中。其王自謂泰伯之後，以天為兄，以日為弟，稍通華音，知文字。唐時有點夷入中

國，不識葵花，或給之曰：一丈紅。即口占曰：花如木槿花，相似葉比芙蓉葉。一般五尺攔干，遮不盡，還留一半與人看。亦有風趣。國初，雖來朝貢，其實暗通奸人，胡惟庸謀為不軌。

太祖貽訓，絕其貢使，改市舶于粵東，召信國公湯和等築登萊，浙直、閩、廣、衛、城，抽兵戍守。其慮深矣。永樂二年，遣使貢獻，冊為日本國王。自後宣德、弘治間，隨貢隨掠。嘉靖中，徽人王直誘之入寇，十餘年沿海一帶二十六郡被

其荼毒較之正統時大嵩桃渚之禍尤烈後
總督胡宗憲計擒王直漸次剽平浙西江東
稍稍始息至今橫行海上飄忽千里出沒不
常即島夷無不畏之春秋二汛常為戒嚴地
產金銀水晶琥珀珠玉螺鈿倭屏倭扇犀象
之屬人得中國絲綿錦綺磁器針線等物喜
不自勝以不許通貢故廣東布政司亦無管
待蓋思患預防以示外而不內之意云

黑鬼

黑鬼即黑番鬼號曰鬼奴言語嗜慾不通性
慤無他腸能杆主其色如墨目圓髮鬖而黃
有牝牡生海島中食生物腥穢與以人肉生
啗之火食則洞泄過此則易畜矣絕有力一
人可負數百觔臨敵不畏死入水可經一二
日嘗見將官買以衝鋒其直頗厚配以華婦
生子亦黑父畜能曉人言而自不能言為諸
夷所役使如中國之奴僕也或曰猛過白番
鬼云



